



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Dioecesis Paderbornensis Rituali Romano accommodata

Hermann Werner <Paderborn, Bischof>

Nevhsii, 1687

Forma copulandi Desponsatos.

urn:nbn:de:hbz:466:1-36005

De Matrimonio.

Caveat etiã Parochus, ne quando conjuges in primis nuptijs benedictionem acceperint, eos in secundis benedicat, sive mulier, sive etiam vir ad secundas nuptias transeat. Sed ubi ea viget consuetudo, ut si mulier nemini unquam nupsit, etiam si vir aliam uxorem habuerit, nuptiã benedicantur, ea servanda est. Sed viduã nuptias non benedicat, etiam si vir ejus nunquam uxorem duxerit.

Matrimonium in Ecclesia maximè celebrari decet; sed si domi celebratum fuerit coram Parocho & testibus, Sponsi veniant ad Ecclesiam benedictionem accepturi, & tunc caveat, ne iterum à contrahentibus consensum exigat, sed tantum benedictionem illis conferat, celebratã missã, ut infradicetur.

Admoneantur præterea conjuges, ut, antequam contrahant, sua peccata diligentè confiteantur, & ad sanctissimam Eucharistiam, atq; ad matrimonij Sacramentum suscipiendum piè accedant, & quomodo in eo rectè & christianè conversari debeant, diligentè instruantur ex divinã scripturã, exemplo Tobiaë & Saraë, verbisq; angeli Raphaelis, eos edocentis, quã sanctè conjuges debeant convivere.

Postremò meminerint Parochi, à Dominica prima adventus usque ad diem Epiphaniã, & à feria quarta cinerum, usq; ad octavam paschæ inclusivè, solemnitates nuptiarum prohibitas esse: ut nuptias benedicere, Sponsam traducere, nuptialia celebrare convivã. Matrimonium autem omni tempore contrahi potest. Nuptiã verò, qua decet, modestia & honestate; fiant, sanctã enim res est Matrimonium, sancteq; tractandum.

Quæ omnia ferè ex Sacri Concilij Tridentini decretis desumpta, sicut & alia, quæ ibi de matrimonio rite contrahendo, præcipiuntur, sunt diligentè servanda.

Forma copulandi desponsatos.

Sacerdos igitur, omnibus ritè servatis, si impedimentum nonprehenderit, & jam ad Ecclesiam pervenerint, copulandi, genuflexos coram duobus ad minimum testibus hortatur de servanda fide thori, de amore reciproco conjugum, de pietate & christiana religione; Deinde primo Sponsum interrogat.

N. Ist es dein eigener ungezwungener Will/ diese gegenwertige **N.** zu nehmen zu deinem Ehelichen Weib.

Respondeat. Ja.

Interroget similiter Sponsam.

N. Ist es dein eigener ungezwungener Will/ zu nehmen diesen gegenwertigen **N.** zu deinem Ehelichen Man.

Respondeat. Ja.

Deinde interroget Sponsum.

Ich befrage euch **N.** an statt Gottes / ob ihr mit einer andern Person euch versprochen/ oder Gott dem Herrn die Keuschheit angelobt habe?

Respondeat. Nein.

Similiter interroget etiam Sponsam.

Posthæc postulat annulos, eosq; benedicit.

Benedictio Anuli.

V. Adjutorium nostrum in nomine Domini.

R. Qui fecit cœlum & terram.

V. Domine exaudi &c. **R.** Et clamor &c.

V. Dominus vobiscum. **R.** Et cum Spiritu tuo.

Oremus.

Benedic **✠** Domine annulos hos, quos in tuo nomine benedicimus, **✠** ut qui eos gestaverint, fidelitatem integram sibi tenentes, in pace & voluntate tua permancant, atq; in mutua charitate semper vivant. Per Christum Dominum nostrum. **R.** Amen.

Postea

Postea Sponsus anulum suum imponit digito Sponsæ, & illa suum imponit digito Sponsi, & stipulatâ manu Sponsus præeunte Sacerdote dicit.

N. Ich nehme dich zu meinem Ehelichen Weib.

Deinde Sponsa.

N. Ich nehme dich zu meinem Ehelichen Man.

Sacerdos ponit extremam partem stolæ super manus contrahentium, dicens.

Ego vos conjungo, & matrimonium per vos contractum ratifico, & confirmo. In nomine Patris & Filij & Spiritus sancti. **R.** Amen.

Mox subjungit.

V. Confirma hoc Deus, quod operatus es in nobis.

R. A templo sancto tuo, quod est in Jerusalem.

Kyrie eleison. Christe eleison. Kyrie eleison.

Pater noster &c. **V.** Et ne nos in ducas in tentationem,

R. Sed libera nos à malo.

V. Salvos fac servos tuos.

R. Deus meus sperantes in te.

V. Mitte eis Domine auxilium de sancto.

R. Et de Sion tuere eos.

V. Esto eis Domine turris fortitudinis,

R. à facie inimici.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum Spiritu tuo.

Oremus.

R. Espice, quæsumus Domine, super hos famulos tuos, & institutis tuis, quibus propagationem humani generis ordinasti, benignus assiste, ut, qui te auctore junguntur, te auxiliante serventur. Per Christum Dominum nostrum

R. Amen.

His expletis, si benedicendæ sint nuptiæ, Parochus missam pro Sponso, & Sponsa celebrabit, servatis omnibus, quæ ibi præscribuntur. Si extra missam sint benedicendi, utatur hæc benedictione.

Beati omnes qui timent Dominum, qui ambulant in vijs ejus.

Labores manuum tuarum quia manducabis, beatus es & benè tibi erit.

Uxor tua sicut vitis abundans, in lateribus domus tuæ.

Filij tui sicut novellæ olivarum, in circuitu mensæ tuæ.

Ecce sic benedicetur homo, qui timet Dominum.

Benedicat tibi Dominus ex Sion, & videas bona Hierusalem, omnibus diebus vitæ tuæ.

Et videas filios filiorum tuorum, pacem super Israel. Gloria Patri &c.

Kyrie eleison. Christe eleison. Kyrie eleison.

V. Salvum fac servum tuum & ancillam tuam.

R. Deus meus sperantes in te.

V. Mitte eis auxilium de sancto.

R. Et de Sion tuere eos.

V. Do.

V. Domine exaudi orationem meam.

R. Et clamor &c.

V. Dominus vobiscum. R. Et cum Spiritu tuo.

Oremus.

Deus Abraham, Deus Isaac & Deus Jacob, Bene **✠** dic adolentes istos, & femina semen vitæ in mentibus eorum, ut quicquid pro utilitate didicerunt, hoc facere cupiant.

Benedic **✠** & respice de cælo hanc conjunctionem, ut sicut misisti sanctum angelum tuum Raphaëlem Pacificum ad Tobiam, & Saram filiam Raguelis : ita digneris Domine mittere benedictionem tuam super hos adolentes, ut in tua benedictione permaneant, & in tua voluntate persistant, & in tuo amore vivant.

Omnipotens sempiternæ Deus, qui primos Parentes nostros Adam & Evam sua virtute creavit, & in societate sancta copulavit, ipse corda & corpora vestra sanctificet, & benedicat, **✠** atq; in societate & amore veræ dilectionis jungat. Per Christum Dominum nostrum. R. Amen.

Benedictio Dei Patris, **✠** & Filij, & Spiritus sancti descendat super vos & maneat semper. R. Amen.

Detur illis osculandus liber, dicatq; Sacerdos.

Ambulate in pace.

Si qui sint non benedicendi, & tamen missam petant, legatur pro illis missa currentis diei, vel alia pro illorum devotione, nisi sit dies impedita.

Introductio Puerperæ.

Si Puerpera post partum juxta piam ac laudabilem Ecclesiæ consuetudinem ad templum venire voluerit, pro incolumitate sua Deo gratias actura, petieritq; à Sacerdote benedictionem, ipse super pelliceo & stola alba indutus, cum ministro aspergillum deferente, ad fores Ecclesiæ accedat, illamq; ibi expectantem aspergat aqua benedicta. dicens.

Aspergat te Deus rore cælestis gratiæ. Amen.

Deinde porrigens ipsi extremam partem stolæ, eam introducit in ecclesiam dicens.

Ingrede in templum Dei, adora filium B. Mariæ Virginis, qui tibi fecunditatem tribuit prolis.

Ipsa ingreditur, Sacerdos ducit illam ad altare, ubi genuflectit, inter eundem Sacerdos legit ps. 23.

Domini est terra, & plenitudo ejus : orbis terrarum & universi, qui habitant in eo.

Quia ipse super maria fundavit eum : & super flumina præparavit eum.

Quis ascendet in montem Domini ? aut quis stabit in loco sancto ejus.

Innocens manibus, & mundo corde : qui non accepit in vano animam suam, nec juravit in dolo proximo suo.

Hic accipiet benedictionem à Domino : & misericordiam à Deo salutari suo.

Hæc est generatio quærentium eum : quærentium faciem Dei Jacob.

Attollite portas Principes vestras, & elevamini portæ æternales : & introibit Rex Gloriæ.